

Doberak antolatuta, bueltan da 'Bota bertsoa!' bertso paper lehiaketa txikia

Kronika - Erredakzioa 2022-01-22 00:00



Egin beharrekoa da bertsoa osatu, izen-abizenak eta telefonoa jarri eta papera kutxan sartu.

VIII. edizioa da aurtengoa, eta aukeratutako gaia hauxe da: Berriro itzuliko balitz... Bakoitzak nahi duen doinuan eta neurrian bota dezake bertsoa, eta, aurten, gainera, betiko dinamikari jarraituz, bertsoa sagardotegietan idazteko aukera izango da. Martxoaren 27a da proposamenak aurkezteko azken eguna.

Urteroko zitari eutsiz, txotx denboraldiarekin batera, Bota bertsoa! bertso-paper lehiaketa txikia antolatu du Dobera Euskara Elkartek. VIII. edizioa da aurtengoa, eta «indarberrituta eta ilusio haundiz» antolatu dutela aitortu dute Doberako kideek. Izan ere, osasun egoera medio, joan den urtean formatu ezberdinean egin behar izan zen lehiaketa, bertsoak helbide elektroniko bidez bidalita. Aurten, ordea, orain arteko dinamikari helduko diote, eta, beraz, emailaz bidaltzeko aukeraz gain, bertsoak sagardotegietan idazteko aukera ere egongo da.

«Berriro itzuliko balitz...»

Aurtengo gaiak, gainera, joko emango die sagardozale eta bertsozaleei: Berriro itzuliko balitz... Horixe da edizio honetarako aukeratutakoa. «Buruari eragin bazkaldu bitartean, eta lagunekin, familiakoekin edota bakarrik idatzi dezakezue bertsoa», aipatu dute.

Betiko moduan, sagardotegi guztietan egongo da idatzitako bertsoak uzteko kutxa. «Hortaz, egin beharrekoa da bertsoa osatu norberak nahi duen doinuan eta neurrian, izen-abizenak eta telefonoa jarri, eta papera kutxan sartu», aurreratu dute Doberako kideek. Horrez gain, aipatu moduan, bertsoa emailaz aurkezteko aukera ere egongo da. Horretarako, identifikazio datuak jarri eta bidali bertsoa dobera@dobera.eus helbidera.

«Sari mordoa izango ditugu aurtengo edizioan ere»

Parte hartzeko epea martxoaren 27ra arte izango da, eta partehartzaileen artean sariak banatuko dira aurten ere. Ez dira nolanhikoak, gainera: beste hainbaten artean, jokoan izango dira bi lagunentzat otorduak, sagardo-kaxak, Bertsolari Txapelketa Nagusirako sarrerak, Reala eta Bartzelonaren aurkako partidurako sarrerak, eta beste asko.

Sari banaketa, era berean, apirilaren 8an izango da, Atsegindegin, arratsaldeko 19:00etan.

Beraz, animatu eta parte hartu lehiaketan, sagarraren, sagardoaren eta bertsolaritzaren kulturaz gozatzeko aukera ederra baita Doberak proposatutakoa.

Gogoratu: berriro itzuliko balitz... Ondo pasa, gozatu eta bota bertsoa!

[Euskara Hernani](#)

Kronika egunero, euskaraz eta doan jasotzen segi ahal izateko, Kronikalari gehiago behar dira, eta zer esanik ez, proiektu komunikatibo sendo eta profesional bat garatu nahi badugu.

Egin zaitez Kronikalari!

Erantzun ▼



Ikusienak



[«Baserriaren jardueraren jarraipena, epe ertain luzean, arriskuan dago»](#)

Kronika - Erredakzioa
ots 16, 00:00

[Astigarraga](#)



[Istripua izan da A-15 errepidean, Karabel parean](#)

Kronika - Erredakzioa
ots 17, 09:15

[Hernani](#)



[Hartubol desafioa ikasle eta helduen artean](#)

Kronika - Erredakzioa
ots 17, 00:00

[Hernani](#)



[Gizon baten bila dabilta Hernani eta Iruñean](#)

Kronika - Erredakzioa
ots 16, 19:57

[Hernani](#)



[Ander Martin hernaniarra, Alemaniako partidurako deialdian](#)

Kronika - Erredakzioa
ots 16, 18:59

[Hernani](#)



[Hernani Burujabek azoka antolatu du, larunbat honetarako, bederatzi posturekin](#)

Kronika - Erredakzioa
ots 17, 00:00

[Hernani](#)

Kronika.eus

[Dobera Euskara Elkarte](#)

Larramendi kalea 11, Hernani

Tel.: 943 33 08 99 · 688 660 714 · kronika@kronika.eus



Codesyntaxek garatua



[HONI BURUZ](#)

[LEGE OHARRA](#)

[PUBLIZITATEA](#)

[ARAUAK](#)

[HARREMANETARAKO](#)

[RSS](#)





Gertuko informazioa, euskaraz

[AIARALDEA](#) [AIKOR](#) [AIURRI](#) [ALEA](#) [AMEZTI](#) [ANBOTO](#) [ANTXETA](#) [ATARIA](#) [BALEIKE](#) [BARREN](#) [BEGITU](#)
[DEUSTUALDEA PREST](#) [ERLO TELEBISTA](#) [ERRAN](#) [EUSKALERRIA IRRATIA](#) [GEURIA](#) [GOIENA](#) [GOIERRI TELEBISTA](#) [GUAIXE](#) [HIRUKA](#)
[KARKARA](#) [KRONIKA](#) [MAILOPE](#) [MAXIXATZEN](#) [NOAUA](#) [OIZMENDI TELEBISTA](#) [PLAENTXIA](#) [TXINTXARRI](#) [URIOLA](#) [UZTARRIA](#)

[28 KANALA](#)

[Gurean](#) [Plazanbazan](#) [Itap](#)

[Tokikom publizitatea](#)